

國朝先正事略

國朝先正事略卷之四十三 文苑

平江李元度次青纂

趙甌北先生事略 鄭燮

趙先生翼字耘松號甌北江蘇陽湖人生三歲日能識字數十
十二歲學爲文一日成七藝人皆奇之乾隆十五年舉順天鄉
試才名動輦下劉文正延至家纂修宮史以明迪榜授內閣中
書入直軍機處傳文忠注文端成倚重焉每扈從行在或伏地
草奏下筆千言應奉文非先生莫辦三十六年成進士進呈一
甲第一而韓城王文端杰居第三

純皇帝謂自國朝以來陝西未有以第一人舉者遂與文端互

易而先生之才固已。心識之矣。先是庚辰科大魁爲畢君沅。次諸君重光皆軍機中書也。忌者因爲蜚語。上問比先生應廷試。劉文正文定兩公又以軍機大臣充讀卷官。先生慮其以嫌擢也。乃變易書法作歐陽率更體。既首選。文定微疑之。以語文正文。正文笑曰。趙君書吾能辨之。此必非也。既揭曉。乃歎曰。能者固不可測耶。遂以編修任撰文。修通鑑輯覽。壬午分校順天試。癸未丙戌分校會試。皆得士。尋授鎮安知府。地居廣西極邊。民醇訟簡。而倉穀出入吏緣爲奸。先生痛革其弊。鎮民悅服。每出巡村民輒舁入其村。謂我公至矣。進酒食如家人。父子所至皆如之。初鎮民與安南民入雲南土富州爲奸。事發捕獲百餘。

人而其魁農付奉願。逆去前守坐罷官已而付奉死安南復其子并其尸驗之信。總督李侍堯疑其爲前守地也。斥之先生申辯李怒而劫之。適官軍進勦緬甸。詔先生赴滇贊畫軍事。乃追劾疏還。明年返鎮。會李調兩廣。乃示意監司欲先生稍折節而移之守廣州。自助先生不可。遂以他屬而適奉。特旨調廣州監司。乃服先生之有守也。在廣州獲海盜百有八人。按律皆當死。先生詳請。辟三十八人。餘遣戍辛卯。擢貴西道。坐他獄降秩。用遂乞養歸。丁未臺灣林爽文作亂。李公赴閩治軍事。道過常州。邀先生偕往。時兵將雲集。謂不日且蕩平。先生請李公密調粵兵爲備。旣而總兵郝壯猷敗遁。游擊鄭嵩戰死。賊勢大振。

而粵兵四千適至人心始安已乃籌海運增雇直給衣裝奏輒報可李公夙以綜核爲政先生濟以寬大事平先生力居多始先生贊畫滇軍傅文忠爲經略擬大軍由夏鳩江進征緬甸而命提督五福由普洱進先生曰夏鳩普洱按圖相距不過三十實則四千里而遙兩軍聲息不相聞進退維谷此危道也去歲明將軍不返由不得猛密路消息耳文忠瞿然問計安出先生曰大兵欲渡夏鳩江則備師宜由蠻暮老官屯夾江下造船通往來庶兩軍可以互應從之其後渡夏鳩之兵遭瘴多病而阿文成所統江東岸一軍獨完遂具舟迎文忠於猛養渡江而歸又敗賊於蠻暮老官屯得歲事焉臺灣之役鎮臣柴大紀守城

半年以易子析骸入告。而督臣尙未渡臺。

上得鎮臣奏。憐臺民死守。而大兵不時至。飛諭鎮臣。以兵護遺民內渡。命督臣折閱。仍封發。李公以示先生。先生曰。某目昏。願於帳外。就明視之。遂失所在。閱二時。始至。李公怒。先生曰。明公尙欲封發耶。柴總兵久欲內渡。畏國法。故不敢一棄城。則鹿耳門爲賊所有。全臺休矣。且以快艇追敗兵澎湖。其可守乎。大兵至。無路可入。則東南從此不可問。宜封還此。旨某已代繕摺矣。李公悟。從之。翼午接。追還前旨之。諭及批摺。回李公。賚殊賞。而大將軍福康安。續至。遂得由鹿耳門進兵。破賊。皆先生策也。臺灣旣定。李公欲奏起先生。時年六十一矣。固辭。因遊武

夷徧歷浙東山水一發之於詩。先生固善詩。自少遊館閣。與諸名流相酬唱。歸田後。主安定書院。日與朋遊。故舊賦詩爲笑樂。其詩與袁飭。齋。蔣心餘。齊名。江督費公澆。漕督蔣公兆奎。皆門下士也。每過存先生。咨詢風土。言不及私。兩公益欽重之。嘉慶庚午。重赴鹿鳴筵宴。得旨賞三品服。又四年卒。年八十有八。先生家居數十年。手不釋卷。著廿一史劄記三十六卷。皇朝武功紀盛四卷。陔餘叢考四十三卷。甌北詩集五十三卷。蒼曝雜記六卷。十家詩話十二卷。

同時聊先生。燮。字克柔。興化人。板橋其號也。爲人疏宕灑脫。而天性極厚。乾隆元年進士。官知縣。有惠政。以歲饑爲民請賑。忤

大吏罷歸工畫蘭竹書法以隸楷行三體相參古秀獨絕詩近香山放翁有鄭虔三絕之目詞猶勝於詩弔古據懷滂昂肆慨與集中家書數篇皆不可磨滅文字所著曰板橋詩鈔

姚姬傳先生事略

吳定

管同

姚瑩

劉開

吳德旋

梅曾

曾

先生名鶴字姬傳一字夢穀世爲桐城姚氏端恪公文然元孫也少家貧體羸多病而嗜學世父範學者稱薑塢先生與同里方苧川葉花南劉海峯善諸子中獨愛先生令受業苧川尤喜親海峯客退輒肖其衣冠談笑爲戲薑塢嘗賜其志曰義理考證文章闕一不可遂以經學授先生而別受古文法於海峯乾隆二十八年進士選庶吉士改禮部主事三十三年充山東副考官擢員外郎逾年充湖南副考官明年分校會試改擢刑部郎中四庫館開劉文正公朱竹君學士咸薦先生遂爲纂修官時非翰林與纂修者八人先生及程魚門任幼植爲尤著于文

襄雅重先生。欲令出門下。謝不往。三十九年書成。當議遷官。文正以御史薦。記名矣。會文正薨。先生乃乞養歸。梁階平相國。屬所親。語先生曰。若出吾當特薦先生。婉謝之。當是時。學者多尙新奇。厭薄宋元以來。儒者詆爲空疏。拮擊不遺餘力。先生獨反覆辨論。官言讀書者。求有益於吾身心也。程子以記史書爲玩物喪志。若今之爲漢學者。以按殘舉碎。人所罕見者爲功。其玩物不尤甚耶。瀕行。翁覃溪學士來乞言。先生曰。諸君皆欲詣人閒。未見書某。則願讀人所常見書耳。先生嘗見國家有文之治。遠軼前代。而洛閩義理之學。尤有關於世道人心。不可誣也。願學不博。不足以述古。言無文。不足以行遠。孤生俗儒。守其陋。

說屏傳註不鞫固可厭薄而矯之者乃專以考訂名物象數爲
實學於身心性命之說則詆爲空疏無據其文章之士又喜逞
才氣放蔑理法以講學爲迂是皆不免於偏蔽思所以正之則
必破門戶敦實踐倡明道義維持雅正乃著九經說以通義理
考訂之郵撰古今辭類纂以盡古今文體之變選五七言詩以
明振雅祛俗之指集中贈錢獻之序與魯賓之論文諸書皆其
宗旨所在也歸里後主梅花鍾山紫陽敬敷諸講席凡四十年
所至士以得及門爲幸與人言終日不忤而不可以鄙私于有
來問必竭意告之汲引才雋如不及雖學術與先生異趣者見
之皆親服錢塘袁簡齋負詞章好非毀宋儒先生遺之書曰儒

者生程朱之後得程朱而明孔孟之旨程朱繪吾父師也然程朱言或有失吾豈必曲從之哉程朱亦豈不欲後人爲論而正之哉正之可也正之而詆毀之誚笑之是詆誚父師也且其人生平不能行程朱之行而其意乃欲與程朱爭名安得不爲天之所惡乎紀文達撰四庫書目錄頗誚宋儒先生直斥其妄貌清臞神采秀越潛榮利有超世之志王蘭泉稱其藹然孝弟有儒者氣象而文名尤重天下禮恭親王薨遣教必得姚某爲家傳新城魯絜非以文名江右始受學建甯朱梅崖梅崖於當世之文少許可獨心折先生絜非乃渡江造訪使諸甥陳用光等附業焉自望溪方氏以文章稱海內上接震川推文家正軌劉

海峯。履之。先生親問法於海峯。然自以所得爲文。不盡用海峯法也。論者謂望溪之文質。恆以理勝。海峯以才勝。學或不及先生。則理與文兼。至三君皆籍桐城。故世或稱桐城派。云嘉慶十五年。先生與陽湖趙公翼重赴鹿鳴筵宴。詔加四品銜。二十九年九月卒於鐘山。年八十有五。著九經說十九卷。三傳補注三卷。老子章義一卷。莊子章義十卷。惜抱軒文集十六卷。文後集十二卷。詩集十卷。書錄四卷。法帖題跋一卷。筆記十卷。古文辭類纂四十八卷。今體詩鈔十六卷。先生主試及分校。得士皆稱盛。錢御史澧孔檢討廣森。其最也。在揚州與蘇吳殿麟居最久。有所作以示殿麟。殿麟所不可輒竄易。至數四。必得當乃已。殿

麟名定海峯弟子也。嘗語陳君用光曰：先生虛懷善取於爲文，尙如是其爲學可知矣。從孫瑩，字石甫，舊塢先生，曾孫也。嘉慶戊辰進士官福建知縣，游擢臺灣道。道光二十二年坐夷務被誣陷，逮下詔獄。凡十有二日而事白，以同知發四川。由蓬州牧累遷湖南按察使，卒於官。工詩、古文、畱心經、世學、遇事激昂奮發，銳欲有所爲。著東槎紀略五卷、康輜紀行十六卷、寸陰叢錄四卷、識小錄八卷、東溟文集二十六卷、詩集二十卷。

同邑劉君開，字明東，號孟塗，諸生。幼孤，年十四以書謁姬傳先生。先生大奇之，曰：此子必以古文明。世望溪海峯之陞，緒其復振乎？遂從姬傳遊，爲人脫略不羈，與人言無不盡家貧，容公卿。

開。藉。脩。脯。以。爲。養。試。輒。不。利。客。死。亳。州。年。四。十。一。妻。倪。氏。以。身。殉。姚。石。甫。爲。合。刻。其。遺。詩。三。十。二。卷。文。十。卷。駢。體。文。二。卷。當。嘉。道。閒。傳。惜。抱。先。生。古。文。法。者。有。吳。仲。倫。梅。伯。言。管。異。之。諸。君。而。邑。子。戴。存。莊。其。一。也。仲。倫。名。德。旋。宜。興。人。諸。生。以。古。文。鳴。與。惲。子。居。呂。月。滄。以。文。相。砥。礪。詩。亦。高。澹。絕。俗。有。初。月。樓。集。伯。言。名。會。亮。上。元。人。道。光。壬。午。進。士。官。戶。部。郎。中。古。文。紹。姬。傳。之。緒。詩。天。機。清。妙。皆。爲。同。人。推。服。己。酉。秋。告。歸。主。揚。州。書。院。金。陵。亂。後。依。楊。至。堂。河。帥。河。帥。爲。刻。其。柏。硯。山。房。集。異。之。名。同。梅。先。生。同。縣。人。道。光。乙。酉。舉。人。著。有。異。之。詩。文。鈔。存。莊。名。鈞。衡。號。荅。洲。道。光。己。酉。舉。人。自。謂。生。望。溪。海。峯。姬。傳。之。鄉。不。敢。不。以。古。文。自。任。

與同邑蘇厚子博元重訂望溪文集增集外交十之四爲功於
方氏甚鉅咸豐癸丑避寇北行卒於臨淮年未四十所著曰蓉
洲集。

張紫峴先生事略 張九健 張九鑑 張九鐸

張先生九鑑字度西號紫峴湖南湘潭人父垣河曲知縣無子
禱南嶽而生先生生有異稟七歲能詩文十二補弟子員初由
選拔中副榜乾隆二十七年舉順天鄉試先生得名最早年十
三登采石磯賦長歌人呼太白後身其再入都也值西師奏捷
朝廷行郊勞禮方恪被公觀承總督畿輔築郊勞臺先生爲賦
樂歌大書其上復爲良鄉居民買戶作凱旋勝帖千餘紙一夕
立就才名動一時二十九年以知縣發江西初攝南豐補峽江
調南昌母艱服闋知廣東之始興保昌海陽三縣坐盜案鐫級
歸在官請求農田水利荒政不少懈攝南豐時歲歉請平糶部

例大縣存七糶三先生。牛之上官嚴檄切責。幕僚以爲病。先生曰。積財。民命也。吾能墨守舊制。坐視民餓死耶。倉米糶則勸邑紳捐助。牒買鄰境米。糜至。全活者多。南昌西北濱彭蠡。秋潦爲災。先生力請賑。親履勘。散給晝夜。駐墟上。凡六閱月。動帑十二萬有奇。邑人建生祠祀之。豫章諸水循城下。勢甚急。潦則衝齧爲患。城內有湖。恆汜濫。唐觀察使韋丹築捍江堤。疏爲斗門。以洩內外水。曰十門九津。宋時開長溝。甃以甃石。曰豫章溝。明甯藩奪民地爲苑圃。溝盡塞。後爲豪猾所踞。水患益鉅。先生屢請疏濬。新城陳君守訓。願捐私財修復。先生喜曰。此百世利也。而豪猾輩百口阻撓。當事幾搖動。先生以十二利九便議抗爭。

於臺使者卒賴其力成鉅工在保昌時有希大吏指爲民蠹者先生擒治之同官備備先生不爲動既罷職徧遊嵩洛偃鞏聞舉生平磊落抑塞之氣一洩之於詩先生詩文宏博浩瀚縱其力之所至而一軌於正舉制軍沉重其名迎至節署集名流爲東坡生日修祀酒再巡先生援筆爲長歌四座歎服著陶園文集八卷詩集二十二卷詩餘二卷歷代詩話四卷峽江志偃師志鞏縣志永甯志普南隨筆若干卷俱槩行先生七歲遊南嶽思盧洞寺僧以其貌類先師出句曰心通白藕先生應聲曰舌湧青蓮僧大駭言其師示寂時畱此句云有對者卽其後身因鳴鐘集眾膜拜焉卒年八十有三易簣時口占有前身南嶽

一枯僧之句。蓋贈合云。同堂弟九鍵。字石園。乾隆辛酉舉人。官
隆平知縣。亦工詩。著漱石園詩集。九鑑。字橘洲。丁巳進士。官至
川東道。性忼直。嘗發夔州守某侵蝕闕稅狀。尋引疾歸。築園曰
退谷。著有退谷詩鈔。詩在諸張中能拔戟自成一隊。九鐔。字竹
南。號蓉湖。乾隆己酉進士。官編修。著有笙雅堂集。其詩吞容名
貴。尤邃於經學。於羣經多所辨證。

鐵治亭先生事略

夢麟

李鐸

朱孝精

國家文治較前古。

列朝御製如日月之經天。朱耶親藩類皆揚風。扈雅至八旗士大夫能詩者尤眾。特未有督萃一編以導揚美盛者。嘉慶中鐵治亭先生手輯八旗詩上溯崇德。至乾隆六十年止。得詩數百家。表上之。詔錫嘉名曰熙朝雅頌集。

睿廟親為製序。洵足彰右文之盛治矣。先生名鐵保。字治亭。號梅菴。滿洲正白旗人。乾隆三十七年進士。由編修官至兩江總督。少與百菊溪制軍法時帆學士並稱三才子。館選後。偕其弟閔峯並以詩名。菊溪稱其詩如王子晉。何月吹笙聲在雲外。

至其氣韻宏深如河流之發源天上其推挹至此所著曰梅菴集尤工書法北人論書者以劉石菴相國翁尊溪閣學與先生鼎足而三生平敬賢禮士推人倫冰鑒爲鄂文端後一人長白詩家年輩在先生前者有夢文子侍郎李豸青山人朱子穎都轉

夢麟字文子蒙古人乾隆十年進士官至工部侍郎工詩樂府宗漢人五言古宗三謝七言古詩宗杜韓皆能具體一時臺閣中無出其右者惜早世未竟其才李銘字鐵君號青山人隸漢軍本勳臣後嘗得官不就其婦翁爲太傅索額圖當索氏枋用時聲勢隆赫山人遠避之盡以先世產業屬二昆借其配隱

於盤山買田躬峯下構草舍雜山趾以耕其尤貧者授之田而無所取蔬材果實與眾共賢聲遠聞嗜茗飲遇山谷幽邃處輒掃葉煮泉竟日忘返見者曰此李山人茶煙也嘗舉鴻詞科未遇既老歲一至京師然一二日即歸人罕見其面詩古與峭削自闕門徑高者胎源杜陵次亦近孟東野著有含中集及尙史袁朱孝純字子穎漢軍旗人父倫瀚官副都統工詩子穎由進士官知縣累擢泰安知府再遷兩淮鹽運使其詩才力雄放姚姬傳王夢樓盛推服之著有寶扇樓詩集

秦小岷先生事略 管世銘 路德

秦先生濂字浚滄一字小岷號遷菴江蘇無錫人高祖松齡康熙中舉鴻詞科官諭德先生負異稟諳書能兼人為詩古文千言立就乾隆丙申

高宗巡幸山東以舉人獻賦行在列一等 賜內閣中書直軍機處擢侍讀遷郎中癸丑授溫處道擢浙江按察使調湖南壬戌引疾歸嘉慶九年補廣東按察使擢浙江布政使入 覲乞內用補光祿少卿遷太常卿尹順天府擢刑部侍郎左遷光祿卿擢左副都御史戶部右侍郎總督倉湯尋 命為副都御史遷內閣學士習兵部右侍郎調刑部以目疾乞歸卒年七十有

九先生少以文名而勇於任事且勤其職直樞垣雖不為和珅所喜仍以簡缺道府薦其特異以繁劇者

純皇帝知公深也在溫處時除永嘉數十年以生監充莊長之弊民既免役而賦亦無逋提刑浙江甯紹台大水歲饑甚有司匿不請賑公力言於巡撫乃得請及調湖南先一年衡州歉收有司匿不報至是陝西奏撥兵米其派及湖南者衡州與焉公言災傷如是柰何不議賑而議餉力請於撫軍得截匪他縣兵米而減價平糶民乃定提刑廣東擒治亂民築修平而以功議總督治吳服喜之結黨於順德者撫黎民之為亂於瓊州者懲賭博之號稱白鴿標者在浙江平反定海難民蔡長興十二人

之非盜。兩上書巡撫得釋。又海盜江文五誣其族與某通實則某嘗首文五於縣有縣牘可證。巡撫既以入告而卒聽公言以釋某人。尤以爲難。又嘗促水師提督核定海曾陀之盜警巡撫難之。而總督卒用公策以戢盜。其疏司寇屢有平反。而糧船運丁盜米事發。有謂用藥罾米中米立溢者。公試之不驗。以入告。則

仁宗已手試其藥不驗。知其枉。因益器。公蓋知公之仁恕耿直能任事也。生平於詩文皆力追古作者。而能有所自得。少爲齊次風。杭堇甫所知。既得舉。見重於實東臬。居京師。與姚姪傳王揚甫魯山木陳碩士以文字相質證。著小硯山人集三十六卷。

己未詞科錄十卷。無錫金匱縣志四十卷。淮海公年譜六卷。

同州管君世銘字縝若號韞山武進人乾隆戊戌進士由戶部主事充軍機章京累遷郎中授御史君會試出于公敏中門于好士所援引或數年陟卿貳君未嘗獨求見于公卒和珅復用事君憂憤形詞色和珅微聞之而呵文成方倚公如有臂莫能中傷既擢御史構疏彙未成得旨畱軍機君自言愧負此官文成慰之曰報稱有日何必急以言自見耶蓋期君大用不然君以擊奸獲譴也嘉慶己未朝廷行大賞罰君已先一年卒矣君工制舉文居京師從游之士凡數百多發名成業以去尤精詩古文深於經術特爲時文所掩耳著有韞山堂詩文集行

世自韜山後以制舉業課士稱極盛者推關中路先生德字潤生。監屋人少工詩古文。嘉慶二十四年進士。選庶吉士。改戶部主事。入直軍機處。遷郎中。以目眚歸。主關中各書院。數年後。目忽明。弟子著錄二三千人。每抉摘疵類。排俗體。必極言其所以然。風氣一變。其評議改竄。皆閉口授侍書者。腕欲脫而泪汨不能休。秦士掇甲乙科者。皆其及門。或私淑弟子也。著有經花館集。及仁在堂十數種。

法時帆先生事略 王芭孫 何道生

先生名法式善字開文號時帆原名運昌奉旨改今名蒙古
正黃旗人乾隆四十五年進士官侍讀自登仕版卽以研求文
獻宏獎風流爲己任在詞館著清秘述聞槐廳筆記在成均著
備遺錄其未刻者尙多皆有資於掌故所居在厚載門北明西
涯李文正公良吾村舊址也背城而市一畝之宮有詩龕及梧
門書屋藏書數萬卷以法善書時竹數百本寒聲疏影修
然如在巖壑閉生平以詩文爲性命士有一藝之長莫不被其
容接主壇坫幾三十年人以爲西涯後身不愧也其爲詩質而
不靡清而能綺論詩用漁鉶三昧之說主王孟韋柳尤工五言

與王鐵夫交最善。嘗自刻詠物詩一種。鐵夫偶弗之善。遂止不行。其莫逆如此。所著曰存素堂藁。

鐵夫王姓名芑孫。字念豐。一字揚甫。嘗欲買田築室於楞伽山。又號楞伽山人。江蘇長洲人也。乾隆五十三年。召試舉人。官

華亭教諭。客京師館。董文恭家六年。客嘗邸。又六年。中間往來梁文定王文端劉文清彭文勤諸家。爲諸公代削草居。旋闕。每歲出關。居熱河。雖未挂朝籍。而朝廷有大典禮。文章之事。未嘗不操筆。與其閒。性儻傲。不肯從諛。一介不苟。取遇公卿。若平交。或病其狂實狷也。其詩癯然以瘦。戛然以清。與法時。佩張船山何蘭士諸君相唱和。爲南北時望。所推尤工書。婦許六字墨。

琴能詩以翰墨聞有十三行臨本行世鐵夫論古文謂必核其
才而後可以裁於法必無所不有而後可以爲大家自非馳騁
於東京六朝沈博絕麗之塗則無以極其才而所謂法者徒法
而已以徒法而語於文犬羊之羶耳宋以後歐曾虞范數公之
文非不古也以視韓柳則其氣質之厚薄材境之廣狹區以別
矣蓋韓柳皆嘗從事於東京六朝韓有六朝之學一掃而空之
融其液而適其津遂以變絕千古柳有其學而不能空然亦與
韓爲輔望溪方氏宗法昌黎心獨不愜於柳亦由方氏所涉於
東京六朝者淺故不足以知之今雖謂歐曾數公之文勝於柳
可也使歐曾數公執筆爲柳氏之文吾知諸公謝不能也所著

曰淵雅堂集。墨琴之寫韻軒集附焉。

何蘭士名道生。字立之。山西靈石人。乾隆二十五年進士。與兄元琅同時爲部曹。相代爲御史。蘭士官至九江府知府。有方雪齋集。其詩疎爽雄健。出入昌黎。劍南閒尤善。鐵夫有所譏彈。輒應時改定。山右自澤州相國以來。若蓮洋居士。清妙則有餘。排寡則不及也。元琅字硯農。進士。以詩文鳴。著有硯農集。

惲子居先生事略 李兆沅 湯臨汾

先生姓惲氏諱敬字子居號簡堂江蘇武進人幼負異才持論好出獨見長老皆驚異焉。肆乾隆四十八年鄉試充官學教習。居京師與同州張思言舉文友商榷經義治古文五十九年授富陽知縣銳欲以能自効矯然不肯隨羣輩俯仰。大吏憚其風節欲裁抑之令督解黔餉。先生曰王事也怡然就道。返後調江山縣父憂去官。嘉慶五年補江西新喻縣新喻吏素橫黠先生痛感之人疑其治過猛也。已乃進其士之秀異者與講論文藝。士民懷德儆成俗大變十年調瑞金縣諸生楊儀招倚富過姦佃戶女事發願進重金求脫罪峻拒之。至以萬金相啗先生曰

吾自作令以來苞苴未嘗及門。今若此吾豈有遺行耶。卒論如律。舉卓異。十七年守南昌府。吳城同知。逾年以奸民誣告家奴得贓失察罷。先生爲人負氣矜尚名節。所至輒與上官忤。上官以其才高每優容之而忌者益眾。既免官士大夫之賢者咸就借先生一不以綴意。益務爲文。自壯張皋文之功。京師也。先生聞之慨然曰。古文自元明以來漸失其傳。吾向不多作者。以有皋文在也。今皋文死吾當併力爲之。先是皋文與湯文端金釗講宋儒之學。時先生方究心於黃梨洲之明儒學案。有所見輒筆記之。未及與皋文辨論往復也。及是始致書湯公。其略曰。漢洛闢周之說。至明而變。至本朝康熙間而復。其變也多歧。其

復也。多仍多岐之說。足以眩天下之耳目。姚江諸儒是也。多仍之說。足以束縛天下之耳目。平湖諸儒是也。二者如揭竿於市。以奔走天下之人。故自乾隆以來。多懸置之。懸置者。非也。揭竿於市者。亦非也。且如彼此之相習。前後之相搏。益非也。夫所謂濂洛關閩者。其是耶。其揆之聖人。猶有非是者耶。其變之仍之者。是非其孰多耶。蓋先生嘗自言其學。非漢非宋。不主故常。於陰陽名法儒墨道德之書。既無所不讀。又兼通禪理。舉文嘗稱其亦狂亦狷。亦隘亦不恭。其治古文。得力於韓非李斯。與蘇明允相上下。近法家言敘事。似班孟堅。陳承祚而先生自謂吾文皆自司馬子長。出子長以下。無北面者。卒於嘉慶二十二年。

六十有一著大雲山房文集八卷書事二卷其治獄別有子居
決事四卷同縣李君兆洛字巾者嘉慶乙丑進士選庶吉士改
官鳳臺知縣工詩古文精考證著書甚富尤精輿地之學罷官
後主講暨陽諸書院成就人才甚眾著有養一齋文集又湯君
貽汾字雨生亦武進人祖若父殉節臺灣襲雲騎尉官至樂清
副將工詩善畫視曹景宗李思訓有其過之居金陵葺精舍焚
香鼓琴儻然出塵外海內名宿皆從其遊著有畫梅樓詩集咸
豐三年粵逆陷江甯作絕命詞死之事聞賜祭葬諡貞愍

舒鑣雲先生事略

工晏

孫源湘

舒先生位字立人號鐵雲直隸大興人祖大成康熙壬辰進士
官檢討先生幼承家學工詩古文丰神散朗如魏晉閒人逾冠
舉乾隆五十三年鄉試屢試禮部不第客黔西王觀察朝梧所
會神苗反威勦侯勒保檄觀察從征先生爲治文書侯大賞異
之數召至軍中與計事侯移督四川邀先生同行以母老辭既
歸貧無以養仍幕遊近地歲歸省母母壽至八十八而終先生
年已五十以毀卒距母喪兩月餘耳生之夕母沈夢一僧執桂
花自峨眉來故小字屏禪云嘗乾嘉之際海內詩人相望歸愚
守宗法隨園主性靈先生以奇峭閑恣之才橫絕一世法時帆

祭酒。背以先生及王曇仲。翟孫源。湘子。滿。並稱爲三君。作三君。蘇云。龍么妹者。貴州土司龍躍妹也。勒侯征徇苗。檄調土兵。適躍病。命么妹帥兵馳抵軍門。妹年十八。長身白皙。結束上馬。出入矢石閒。所戰必捷。秦良玉不是過也。事平。侯爲么妹執柯。將以歸先生。先生婉辭之。復爲詩紀其事。時傳爲佳話。先生所著日瓶水齋詩集。身後揚州巴光。詒爲梓以行世。雲字仲翟。一名良士。浙江秀水人。乾隆五十九年舉人。好游俠。通兵家言。善弓矢。上馬如飛。慷慨悲歌。不可一世。著有煙霞萬古樓集。寶東臯評所撰西楚霸王廟碑曰。二千年來無此手筆矣。吳侑郎省欽仲翟摩師也。館和珅家時。和方怙勢。仲翟三上書於侍郎。請劾。

和珅書具有集中張南山嘗曰漢有建安七子唐初有四家余
欲選王仲則詩王仲瞿文合刻之題曰乾隆二仲孫子濊名源
湘江蘇昭文人嘉慶十年進士官編修有天真閣集年十五隨
父任出山海關登醫巫閭援筆賦詩已有驚人句丙辰會試下
第歸途與舒鐵雲王仲瞿兩孝廉同行三人者才相若唱和無
閒詩名若鼎足焉子濊詩沈鬱不及船山御無其叫囂敏贍不
及隨園御無其遊戲婦席氏名佩蘭亦工詩著有長真閣彙

國朝先正事略卷之四十四 文苑

平江李元度次青集

張船山先生事略 彭端淑 李調元

船山先生張姓。問陶名字仲治。四川遂寧人。相國文端公鵬翮曾孫也。生於山東之館陶。幼有異稟。工詩。有青蓮再世之目。其存詩自十五歲始。乾隆五十五年庚戌成進士。尋授檢討。詔選翰詹三十人。各書扇五柄。又選十二人分書養心殿屏幅。先生皆與焉。庚申秋分校順天鄉試。明年教習庶吉士。乙丑改御史。巡視南城。己巳分校會試。未幾改吏部郎中。明年七月投萊州知府。與上官齟齬鬱鬱不自得。逾年病免歸。時年四十九。罷

官後。僑寓吳門。顏所居曰樂天天。隨鄰屋。時往來大江南北。未
幾卒於客舍。先生狀似猿。自號蜀山老猿。亦稱老舩。其詩生氣
湧出。沉鬱空靈。於從前諸名家外。又闢一境。其寶雞題壁十八
首。指陳軍事。得老杜諸將之遺。傳誦殆徧。書法險勁。畫近徐青
藤。不經意處。皆有天趣。其婦亦能詩。有句云。修到人間才子婦。
不辭清瘦似梅花。先生和之。有夜窗同夢筆生花句。佳話也。著
有舩山詩草。國朝二百年來。蜀中詩人。以舩山爲最有。彭樂
齋者。以詩古文名蜀中。年輩在舩山前。名相埒。樂齋詩近體不
及舩山。五古蒼健沈鬱。有杜意。論者謂在舩山之右。云樂齋彭
姓名端淑。丹棱人。雍正十一年進士。官吏部。澹無好也。獨肆力

爲古文詞。自文選司郎中出。爲肇羅道。未幾歸。主錦江書院。有白鶴堂詩文集。其詩質實厚重。不爲聲悅之習。文亦如之。又李君調元。字雨村。號墨莊。錄州人。乾隆二十八年進士。官漳尚道。著有童山詩集。雨村詩話。藏書數萬卷。愛才若渴。嘗輯函海一書。多至二百餘種。表彰楊升菴著作爲多。又選刻朝鮮四家詩。四家者。李諱九。洛瑞。柳得恭。惠風。樸齊家。次修。李德懋。懋官也。而樸齊家之名尤著。

黃仲則先生事略 楊芳燦 楊揆

黃君景仁字漢鏞一字仲則江蘇武進人生四歲而孤八歲試
爲文援筆立就爲諸生冠其儔君風儀玉立慕與交者爭趨就
君君或上視不顧人多以爲狂未冠遇洪稚存逆旅中始共學
爲詩同游邵編修齋門下旋客湖南提刑王君太岳所是時
君已攬九華陟匡廬泛彭蠡泝洞庭每獨遊名山經日不出值
大風雨或暝坐大樹下牧豎見者皆以爲異人自湖南歸詩益
奇肆後稍變其體爲王李高岑又出入北宋諸家卒其所詣與
青蓮爲近大興朱竹君督學安徽延君及稚存入幕三月上已
會於采石之太白樓授簡賦詩者十數人君年最少者白裕立

日影中頃刻數百言徧。既坐客客爲之闕筆。居半歲與同事者議不合。徑出使院。質衣買輕舟。訪秀水鄭編修。虎文於徽州。追之已不及矣。嘗自燬其詩。無幽并豪士氣。遂遊京師。翁學士方網紀學士時。王廉訪昶。馮吉士敏昌。皆奇君。與定交。他貴人招之。不往也。乙未。

高廟東遷。召試入二等。在武英殿書簽。例得主簿入貲爲縣丞。先是陝撫畢公沅奇君才。厚資之。至是爲債家所迫。復抱病踰太行。出雁門。將復遊陝。次解州。卒於河東。運使沈君業。官官。君年三十有五。畢公厚賻之。稚存奔其喪。所著曰兩當山房集。同時楊君蓉裳。名芳燦。無錫人。母願夢五色雀集庭樹而生。君。

詩文少即華瞻學使彭文勤大異之字以兄女由拔貢應廷試
得知縣補甘肅之伏羌回民田五爲亂起石峰堡縣民馬稱駭
應之未發君先期募鄉勇設防會馬映龍以賊謀告君立捕殺
稱駭賊遽至與映龍等登陴守五日圍解映龍稱駭甥也君治
縣溫溫若不任事者坐堂皇訊事罷卽手一編就几讀人笑之
而其慮發徵決乃若是初蘇四十三之亂獄詞連伏羌人大恐
君力請於提刑得末減及石峰堡事平賊首張文慶子泰憾映
龍洩其謀曰映龍故與吾交通其助守城欲於五日後獻城也
阿文成速映龍至靜甯君曰映龍果欲獻城曷爲以謀告且伏
羌無兵勇皆烏合眾亦無俟五日後力始竭文成悟立出之獄

君以功擢知靈州。嘗單騎諭散奪米飢民。請借口糧設粥。以安眾。大府才之。君願不樂外吏。入貲爲員外郎。居戶部。與修會典。公餘擁書縱讀。益務記覽。爲詞章。詩出入義山。昌谷。閒而自成其體。又工儷體。文驚才絕艷。世謂盈川復生。嘗曰。色不欲其耀。氣不欲其繞。沈博奧衍。斯儷體之能事也。守伏羌時。王蘭泉廉使統師長武。嘉其偉節。賦詩飛達圍城。君立和之。并上伏羌紀事百韻。其整暇如此。丁母憂。貧甚。鬻書以歸。主蘅杭及關中書院數年。入蜀。修四川通志。主錦江書院。弟揆知安縣。往省之。卒於其署。年六十有三。著有吟翠軒初稟。揆字荔裳。乾隆庚子召試舉人。少擅風雅。與其兄蓉。裳齊名。山中書從嘉勇福公征。

術藏所歷熊耳山星嶺海諸勝異境天開詩格與之俱進累官
四川布政使著有藤華吟館集

黎二樵先生事略

張錦芳
胡亦常

馮敏昌
黃丹書

溫汝适
呂堅

趙希璜

嶺南自三家後風雅寥寥繼起者爲張太史錦芳馮戶部敏昌
溫侍郎汝适趙大令希璜而必以黎二樵先生爲冠先生名簡
字簡民號二樵順德人十歲能詩峻拔新峭李南澗令潮陽一
見奇之曰必傳之作也乾隆己酉充選貢生父憂未赴廷試足
跡不逾嶺海詩名日起鉅公來粵者咸折節下之性好山水屢
入朱明洞天窮其幽勝朋儕罕當意者惟與德清許周生無錫
孫平叔友所居曰百花村亭曰眾香閣曰藥煙生平擅詩書畫
三絕其詩由山谷入杜而取鍊於大謝取勁於昌黎取幽於長
吉取豔於玉溪取僻於閩仙取瘦於東野鍾鑿鍛鍊自成一家

言書得晉人意畫直造元四家堂奧者有五百四峰草堂詩鈔
藥煙閣詞鈔芙蓉亭樂府注莊等書

張君錦芳字粲夫號藥房順德人乾隆五十四年進士官編修
初以優貢入都錢竹汀紀曉嵐見之目爲奇士性孝友淹貫羣
籍通說文分隸得漢人法兼工繪事而於詩所詣尤深與欽州
馮敏昌同縣胡亦常稱嶺南三子又與黎簡黃丹書呂堅號嶺
南四家著有逃虛閣詩鈔南雪軒文鈔馮君敏昌字伯求號魚
山欽州人乾隆戊戌進士由庶吉士改戶部主事生平編讀五
嶽凡名山巨川煙雲變滅波濤起伏之狀盤礴胸次一發之於
詩其詩由昌黎山谷以上追李杜又穿穴諸家自闢面目所著

羅浮草堂集。歸然爲嶺南一大宗。溫君汝道。號箕城。順德人。乾隆四十九年進士。由編修直上書房。累官兵部右侍郎。歷典廣西四川山東鄉試。督陝甘學政。其詩詞氣和平。肖其人品。著攜雪齋詩文鈔。及曲江年譜。咫聞錄。韻學紀聞。日下紀游等書。趙君希璜。字渭川。長甯人。乾隆己亥舉人。官安陽知縣。著有四百三十二峰草堂詩。少讀書。羅浮山。嘯吸雲烟。灑淪肌骨。詩絕無塵俗氣。又嘗爲黃仲則刻全集。風義尤篤。胡君亦常。字同謙。一字彥甫。順德人。年二十五。卽以詩鳴。舉乾隆辛卯鄉試。早逝。著賜書樓集。黃君丹書。字虛舟。順德人。天姿秀穎。書過目不忘。學使李調元拔之。充優貢。廷試歸。築聽雨樓。隱居養親。乾隆乙卯。

舉於鄉下第。朝貴爭延之。不就。嘗曰。貧與富交。則損名。賤與貴交。則損節。朱文正公撫粵時。尤加器重。工書善畫。與其詩並稱三絕。詩出入唐。朱於蘇尤近。呂君堅字介卿。號石帆。番禺人。貢生有遲淵集。入嶺南四家詩鈔。

宋正灣先生事略 張維屏

宋先生湘字煥襄號正灣廣東嘉應人九歲見諸伯叔爲文會
卽取片紙學爲文下筆有奇氣乾隆壬子舉鄉試第一嘉慶己
未進士選庶吉士授編修丁卯典四川試戊辰典貴州試癸酉
授曲靖府知府所屬馬龍州地瘠民貧先生捐俸購木棉教婦
女紡績尋署廣南府城內地高飲水艱爲度地鑿東西二塘權
迤西道所屬大饑爲捐俸賑恤署永昌府練鄉兵除暴郡有書
院久廢先生興復之捐廉千七百兩有奇灣向者所屬土州也
土知州某死無嗣有景在東者遠族也乘閒奪其印專殺自恣
不附己者死如是五六年當事怯不敢發賊謀襲土職招匪黨

千餘將攻保山縣。先生慮爲前明二莽續。誓除之。商之管。不濟。請諸鎮帥。又不濟。賊偵知。益猖獗。民夷皆赴懇。先生曰。爾等能爲我殺賊乎。衆曰。能。先生曰。果爾。芻糧我任之。患難我同之。遂懸重賞。練鄉兵。殺賊民夷踊躍。於是江有防隘。有備。又以計散其黨羽。賊懼宵遁。擄其巢。大索七日。獲在東。斬之。自捐軍需銀八千兩。不費公家斗粟。遷陞以靖郡人。建生祠。祀之。道光五年。遷湖北糧道。明年卒。年七十有一。先生襟抱豪邁。下筆具側。偉雄奇之槩。詩磊磊落。然從眞性情。全涌而出。自成一家言。著有小易居齋集。豐湖漫草。燕臺演蹄諸集。性伉爽。見人一藝之工。稱譽不容口。與番禺張子樹。稱莫逆。嘗索觀已刻詩。良久。批衍。

笑曰。一唱三嘆。入人心脾。我不如子良。樂無端飛行。絕迹于不
如我。

子樹姓張氏名維屏。一字南山。父炳文。嘉慶辛酉舉人。官四會
訓導。事節母以孝聞。南山舉道光二年進士。官黃梅知縣。遭大
水。小舟。勘災。急漕。衝去。得樹。免於溺。輿歌有官。要救民。神救官。
之句。調廣濟。漕務。非折色。規費。無所出。先生日理不直。則氣不
壯。吾甯舍官。以伸氣。引疾去。汪文端語人曰。縣官不願收漕。世
所罕見也。外艱歸。援例改同知。權南康知府。公暇。至白鹿洞。與
諸生講學。建蘇李二公祠於廬山。祀太白。東坡。未幾。罷郡歸。少
負才。貧。以風雅飾吏治。為詩。礪室翁。潭溪馮。魚山吳。山尊及芷。

澗先生所激賞與楊春譚康侯香山黃子賓稱粵東三子性愛
松自號松心子既歸高居花埭閉戶著書自號珠海老漁有聽
松廬文鈔詩話及松心日錄松軒隨筆老漁閒話諸書行世而
所輯國朝詩人徵略尤有功於文獻云

鮑覺生先生事略

程恩澤

鮑先生桂星字雙五一字覺生安徽歙人八歲能詩文十五補諸生嘉慶己未進士選庶吉士授編修御試高等遷中允每撰進奉文字輒拜文綺之賜甲子典試河南遂督河南學政擢洗馬晉侍讀戊辰典試山西庚午擢侍講學士督湖北學政遷少詹事癸未晉詹事除內閣學士既受代聞林清之變疏陳十事馳入京

仁宗亟稱之且曰己次第施行矣丙戌擢工部右侍郎充武英殿總裁條奏武英殿事劾投調及副管不職狀提調摭先生平日語中之遂落職令閉門思過越五年復官編修

宣宗卽位以編修召對諭之曰汝所劾者朕今褫其職矣
既由侍講擢通政司副使

上召見復諭曰欲爾習練諸事也甲申擢詹事召對詢年

齒甚悉明年卒於位先生邃於文學質厚性直有明斷才敢任
事少從吳澹泉定學詩古文因以溯劉海峰後師姚姬傳於爲
詩力守師說姬傳稱之曰是能合唐宋之體而自成一家者也
著進奉文鈔二卷詩八卷詠史懷人詩十卷又嘗用司空表聖
說韓唐詩品八十五卷同縣程春海侍郎稍晚出與齊名

程先生恩澤字雲芬春海其號也父昌期乾隆庚子進士官侍
讀學士春海幼穎異毀齒經傳皆成誦尤好讀古書剖析疑義

同縣曹文敏公。金輔之殿撰。皆語學士曰。此子非凡才也。嘉慶辛未成進士。選庶吉士。授編修。道光元年。命直南書房。諭曰。汝父蘭翹先生。朕昔年最敬其品。學汝之聲名。朕亦知之。宜更勵素行。同列皆榮之。旋奉勅。核刻養正書屋集。是年典四川鄉試。遷中允。核刻御製詩文初集。三年。督貴州學政。擢侍講。再遷侍講學士。六年。調湖南學政。回京。遷祭酒。母憂。服闋。仍直南書房。十二年。典試廣東。時以候補祭酒。未與開列。異數也。是年冬。命在上書房行走。課惠親王讀。王敬禮師傅。詩古文書法。皆日有進。甚相益。

上與王諭先生爲人。有和而不同之目。十三年。擢內閣學士。明

年授工部右侍郎調戶部十七年充經筵講官卒於位遺疏入上嗟悼久之詔優卹賈其子德威爲舉人先生學識超時俗六藝九流皆深思而得其意工篆法熟精許氏學督學貴州時勸士民育蠶其利大行於民又重刻岳珂五經以訓士及奉詔纂修春秋左氏傳推本賈服不專守杜氏一家言所著述惟國策地名考二十卷已定本餘多未成書不自料其年不永也詩文雄深博雅於金石書畫考訂尤精嘗謂近人治算法由九章以通四元可謂發明絕學而儀器罕有傳者乃與鄭君復光約修復古儀器所撰國策地名考謂孟津在河北非今孟津縣亦非古河陽縣蒲坂非舜都乃衛蒲邑以嘗人秦仍歸故謂

之蒲坂。諸條皆確不可易。阮文達校毛詩有椒其馨。謂椒當作
馥。其說久在六朝。已然。先生曰。詩。苾芬孝祀。韓詩作馥芬。孝祀。
馥字。毛詩兩見。形聲不謬。於六書尤確證也。卒年五十有三。

許周生先生事略

許君宗彥字積卿又字周生浙江德清人父祖京乾隆戊子省元己丑進士官廣東布政使先生生有異質九歲能屬文劉文正公謂他日必爲名儒費文恪公譚古愚中丞皆異其才王侍郎和作積卿字說贈之嘉慶己未成進士授兵部主事是科得人最盛幾與康熙己未乾隆丙辰兩詞科相埒朱文正曰經學則有張惠言等小學則有王引之等詞章則有吳藻等兼之者其許生宗彥乎先生性孝友不忍離其親觀政兩月卽假歸體素羸兩執親喪哀毀過情氣彌弱遂絕意進取顏其齋曰鑑止水以見志杜門著書垂二十年先是君以葬親故隆冬周歷寫

山感寒疾戊寅冬益劇至臘月不能穀食日飲水食瓜果神明
不亂力疾為汪家禮楊鳳苞嚴元照作三文學合傳已為絕筆
詩坐而逝年五十有一生平寡嗜好惟喜購異書不惜重值於
書無所不覓旁及道藏釋典名物象數必躋其奧而後已獨不
取考訂以為無裨實學尤精天文得西洋推步秘法自製渾金
球別具神解所著鑑止水齋文集十二卷詩八卷集多說經之
文其學說能持漢宋儒者之平其周廟祧考世室考能發卓
見或謂識則王肅所未能明其他如日行諸解能辨王寅想
數辰之誤禮論治論諸篇皆獨具神識未經前人道及阮文達
目為通儒而陳恭甫謂足躡梨洲而跨董浦蓋非阿好云配梁

氏字楚生相國文莊公孫女少司空敦書女工詩著有古春軒
詩鈔

鄧湘皋先生事略 歐陽駘 魏源 湯鵬

鄧先生頌鶴字子立一字湘皋湖南新化人八歲能詩舉嘉慶甲子鄉試屢試禮部不第遂絕意進取博究羣書足跡半天下凡海內薦紳大夫才俊士多慕與爲友晚授甯鄉訓導尋乞病歸時因事至長沙治旁舍舍客造請詩文者日相踵悉能副其求巋然稱楚南文獻者垂三十年先生嗜善其天性自幼時聞長老稱逸鄉邦巨人長德輒欣然聽之比其長也搜討楚故尤不遺餘力楚南植鼎革之際其毅然殉白刃蹈溝壑者不可勝數迨殊世久遠尺牘寸楮多隨水大劫奪以佚若滅若沒委同草莽國朝風教日盛士尤爭以文術志節相高往往抱幽

守獨至老死。且嘗其書牖下。不求名於時。先生網羅散失。每得殘縑斷簡。如獲異珍。驚喜狂拜。不自已。所纂沅湘耆舊集千七百人。詩萬五千六百八十首。各爲小傳。以詩存人。復搜刻蔡忠烈遺集。王船山遺書。增輯周聖楷楚寶。重修寶慶府志。編核歐陽文公圭齋集。重訂周子全書。至議建會城前後五忠祠。及邵州前後五忠祠。尤欲舉貞臣烈士爲邦人勸。俾各動其忠義之心。用意尤深。且遠焉。先生內行醞篤。事其兄顯鵬極友愛。嘗作聽雨圖。及南村耦耕圖。以見志。撫兄子勤於己子。尤篤。強義喜振拔孤寒。所爲古文。詳贍演迤。壹意表章先哲。凡予奪失實者。必力爲昭雪。時以比全謝山之鮎埼亭集。其爲詩也。覃精竭慮。

與同里歐陽礪東切劇辨析不少假咸豐元年八月卒年七十有五郡人祀之邵州十先生祠著南村草堂詩鈔二十四卷文鈔二十卷資江耆舊集六十四卷沅湘耆舊集二百卷楚寶增輯考異四十五卷武岡州志三十四卷寶慶府志百五十七卷朱子五忠祠傳略考正一卷五忠祠續傳一卷明季湖南殉節諸人傳略二卷易述八卷次子琮字小阜以拔貢舉於鄉詩文皆有家法纂沅湘耆舊集前編極精審從先生一月以毀卒

歐陽礪東初名紹洛易名駱字念祖博學多通書過目不忘少孤貧非其力不食有梁伯鸞徐孺子風乾隆甲寅舉人屢試春官不遇南走粵北爲薊代之遊與法時帆錢裴山曾賓谷諸人

唱和。其淫鬱剛介嚴凝之氣。一寓於詩。其詩初從義山窺少陵。夏而爲昌黎。混而爲東坡。晚乃跌宕昭彰。自出一隊。然不多作。嘗言作詩當自寫胸中之天。不期而與古人合。陶文毅嘗刻其詩集於吳中。湘皋之輯者。舊集也。本朝二百年間。其稱詩老者。惟張陶園及欄東二先生云。

同郡魏先生源。字默深。邵陽人。嘉慶癸酉拔貢。己卯及道光辛巳。兩中副榜。壬午舉順天鄉試。冠南籍。試卷進呈。

官廟手批嘉賞。名藉甚。入貲爲內閣中書。改知州。甲辰第進士。發江蘇。以知州用。權東臺興化縣事。己酉大水。河帥將啟閘。先生力爭。不能得。則躬赴制府。擊鼓陸制軍建瀛聞報。立往勘。始

得免。做七州縣士民皆德之。未幾補高郵州坐驛遲誤免。尋以緝獲梟匪功經袁副憲甲三奏復其官。咸豐六年卒。先生文筆良行熟於掌故。尤悉心時務。精輿地之學。其論河務謂宜改復北行故道。咸豐五年銅瓦廂之決。河復北流。由大清河入海。適與所論相合。蓋猶及見之云。所著有曾子章句二卷。聖武記十四卷。海國圖志六十卷。詩古微十卷。書古微十卷。公羊微十卷。春秋繁露注十二卷。清夜齋文集二十卷。選皇朝經世文編及論學文選如千卷。方先生之舉京兆也。文譽騰起。典會試者爭欲羅致之。得一卷文筆絕類。先生揭曉則同年生益陽湯海秋也。海秋名鵬。豪於文。道光癸未進士。所爲制舉藝列市。

肆中士擬取科第者相踵而君於是時已專力爲詩歌古文詩凡三千餘首初由禮部主事直軍機處遷戶部員外郎晉御史意氣踔厲所慕惟李文饒張太岳一流於是勇言事未逾月章三上以劾宗室尙書某被議罷御史仍回戶部循資遷郎中屢校禮部試英夷擾海疆求通市君已黜不得建言猶條上夷務三十事乞尙書轉奏皆報聞其後米利堅求改關市約有奏中不可許者數事人以是服其精非空言無實者比也君既負才不試則益務著書以自暴白於天下所作浮邱子立一意爲幹幹分爲支支之中又有支焉則支復爲幹支幹相演以遞於無窮大氏言軍國利病吏治要最人事情偽凡九十餘篇最四

十餘萬言。每遇人輒曰：能過我一閱乎？抑子乎？而其友魏默深則曰：是書可傳也。甲辰七月卒。年四十有四。

陳章侯先生事略 崔子忠 羅聘

陳先生洪毅字章侯浙江諸暨人年四歲就塾翁家翁方治室以粉堊壁先生累案登其上畫漢前將軍關侯像長十尺餘拱而立翁見之大驚下拜遂以室奉侯既長師事劉念臺先生講性命之學已而縱酒挾妓自放頭面或經月不沐客有求畫者雖齧折足恭勿與至酒閒召妓輒自索筆墨小夫稚子無弗應也嘗客杭州友人招飲西湖先生赴之遇他舟徑登其席坐上座飲主人徐察之知爲章侯也亟稱其畫先生大駭曰子與我不相識也拂袖去崇禎壬午充闕子監生明年還里既遭亂混跡浮屠間自稱老遲亦稱梅遲亦稱老蓮縱酒挾妓如故語

及身世亂離輒慟哭不已後數年以疾卒先生能詩爲畫名所掩著有寶綸堂集時有崔青蚓者與齊名京師號南陳北崔

崔先生名子忠字開子一名丹別字青蚓明末補順天府學生負才名尤善畫董尚書其昌異之謂非近代所有也益自重凡以金帛請者概不應有友人官吏部屬選人以千金爲壽先生投之地曰乃以選人金污我耶史忠正公家居過其舍見先生方絕食乃留所騎馬徒步歸先生售馬得十數金呼其友與痛飲曰此酒自史道鄰來非盜泉也一日而金盡絕食如故好讀書通大戴禮發爲詩古文奧博奇崛非近世所有流賊陷京師先生出奔鬱鬱不自得曾人有觸其意者走入土室中匿不出

遂餓而死。先生二女皆善書而章侯妾胡淨鬢亦能畫花卉云。
羅君聘字遜夫號兩峰歙縣布衣寓江都爲金冬心弟子畫入
高格尤喜畫鬼有鬼趣圖爲時所重詩亦超然物外重甯寺爲
純廟祝釐地畫壁至今存蓋曠商持數百金備兩峰所作也王
述庵謂其畫大阿羅漢及摩訶薩像足與陳章侯崔青蚓相上
下洵不誣云。

王石谷先生事略

黃鼎

國初畫家有三王之稱。三王者，太常卿時敏，字煙容，廉州太守。鑑，字元照，而其一爲石谷先生。其後又稱二王，謂先生與龍臺侍郎原祁也。先生名聲，字石谷，別號耕煙。宋忠臣堅之後，世爲常熟人。童時無嗜好，常引荻畫壁作山水，卽生動。會廉州過虞山，於壁間見小幅，驚喜甚，問誰作，知爲王氏子。年甫冠也。歸語太常，具舟迎之。館於西田，盡出唐以後名畫，俾坐臥游泳其中，盡得古人秘奧，而一以靈心運之。垂二十年，遂成大家。先是館西田時，做古入神品。廉州推服曰：此非吾弟子也。三百年罕覩此人矣。而一時耆宿若錢牧齋、吳梅村、周櫟園、王阮亭、宋漫堂。

諸公爭作詩古文。張之推爲大家。無異辭。有詔徵召。以布衣供奉。內廷賞繪。南巡圖天下。能手駢集。咸遠巡。莫敢下筆。先生至。口講指畫。咫尺千里。令眾分繪而已。總其成圖。成

上覽之稱善。欲授官。以不能任職辭。出都日。公卿祖餞。多賦詩贈行。先生篤孝友。慎交遊。尤敦風義。太常廉州殉。歲必省其墓。乞畫者必擇人。而與否則巧取豪奪。不能得。晚歲煙雲供養外。吟風弄月終其身。康熙丁酉卒。年八十有六。武進憚壽。平少寫山水。見先生畫。歎曰。吾讓子爲一人矣。遂專工花卉。稱絕藝。同縣有黃尊古先生者。稍晚出名。與先生齊。

尊古名鼎。號曠亭。世居常熟之唐墅鎮。生平好遊覽。嘗之齊魯。

登岱。歷燕趙韓魏。入秦。登太行。終南。太華。諸山。又出塞垣。數千里。經于闐。近身毒國。乃還。後居黃山。游匡廬。羅浮。九疑。陟嵩衡。升我嶺巖。攀岷山。窮長江之源。已乃入天台。雁蕩。武夷。諸勝。凡詭奇怪偉之狀。一寄之於畫。論者謂石谷看盡古今名畫。下筆具有淵源。尊古看盡九州山水。下筆具有生氣。並稱大家焉。尊古客京師時。有故相延之。與均禮。然見其傾軋者多。恐將及難。堅辭去。及故相罹禍。時尊古在粵中。走六千餘里入都。相與哭別。晚歲有制府係舊識。具書幣招往秦中。既至。問其縱恣無度。遂策馬還竟。不在見途。中惟寫終南雲氣武功太白諸圖。以壯行色。聞者高之。性孝友。獨力葬大父母父母。兄子貧。無歸分產。

給之養姊妹之寡者四方餽遺。隨手盡不爲後。日毫髮計。少從
邱高士嶼雪學書。後師麓臺。然每與人言。必曰。我邱先生弟子
也。卒於雍正八年。年七十有一。

鄧完白先生事略

先生姓鄧氏字石如其名以恭避

仁宗廟諱故遂以字行而更字頑伯安徽淮甯人居皖公山下
又號完白山人少讀書好刻石仿漢人印篆甚工弱冠孤露卽
以刻石遊性廉介無所台客壽州適梁大令熾主壽春書院以
工李邕書名天下先生爲其門下生刻印又以小篆書諸生箋
梁見之歎曰此子未諳古法耳其筆勢渾鶩余所不能克其才
力可獨步一時矣因爲治裝而致之江甯梅孝廉鏐孝廉爲文
穆公季子梅氏自北宋以來爲江左甲族弄藏甚富文穆又受
聖祖殊遇得內府珍秘尤多秦漢以來金石善本備在焉先生

既得縱觀。推索其意。窮雅俗之分。好石鼓文。李斯嶧山碑。太山
刻石。漢開母石闕。燉煌太守碑。蘇建國山碑。及皇象天發神讖
碑。李陽冰城隍廟碑。三墳記。臨摹各百本。又苦篆體不備。手寫
說文解字二十本。復旁摭三代鐘鼎及秦漢瓦當碑額。以縱其
勢。博其趣。窮日夜。忘寒暑。五年篆書成。乃學漢分。臨史晨前後
碑。華山碑。白石神君張遷等碑。各五十本。三年分書成。嘗自謂
吾篆未及陽冰。而分不減梁鶴。蓋篤論也。先生嘗梅氏八年。學
既成。徧遊名山水。仍以書刻。自給遊黃山。至歙。習篆於賈肆。武
進張縉。修惠言。方投經。金修撰。榜家。縉修故深究秦篆。見先生
書。語修撰曰。今日得見上蔡真跡。修撰驚問。何以故。遂習。兩借

諸先生於古寺修撰。延爲上客。金氏家廟甚壯麗。其楹皆貞石。而刻聯及懸額。修撰精心寫作。蓋百易而後定。謂莫能加也。及見先生書。卽鳩工。斲其額。而石楹旣豎。不便磨治。乃架屋而臥。楹屬先生書之。刻成。乃重建。其傾服至此。編修從先生受篆法。一年。修撰稱之於曹文敏公文植。文敏屬先生作四體千文橫卷。一日而成。文敏歎絕。具白金五百爲壽。未幾。文敏入都。強之同往。先生獨戴草笠。鞞芒屨。策驢。後文敏三日。行文敏次山東。相值於開山。時巡撫以下命吏郊迎。文敏先生策蹇過轅門。門者呵止之。文敏遙見先生。趨延入。讓上座。徧贊於諸公。曰。此江南高士鄧先生也。其四體書皆爲國朝第一。諸公乃大驚爲。

具車從先生卒。辭不肯同行。時都中工書者推劉文清而鑒別。則推陸副憲錫熊見先生書皆大驚。踵門求識面。且曰。千數百年無此作矣。先生遂留都門。未幾文清左遷。副憲暴卒。而翁閣學方剛。風指篆分。以先生不至其門。乃力詆之。耳食者和其說。先生尋出都。文敏爲治裝。致之於畢制軍沅。時吳中知名士多集節署。裘馬都麗。先生獨布衣徒步。居三年。辭歸。留之不可。乃爲置田宅。爲終老計。後文敏病篤。語其子曰。吾卽逝。鄧山人必有挽聯。至卽以勒吾墓。華表及專祠前楹。足矣。涇人包世臣慎伯推先生篆書爲神品。嘉定錢坫楹之。自負其篆爲直接少溫。與慎伯同遊焦山。見壁間篆書曰。此非少溫不能作。而楷墨似。

百年物世。豈有此人耶。此人在吾不復擗管矣。既知爲先生二十年前作。乃撫其不合六書處以相詆。陽湖錢伯坰魯斯。故服先生篆分。推爲絕業。復見其行草。歎曰。楊少師神境也。遂因慎伯見先生。及與論運腕法。不合。助獻之。詆先生甚力。而陽湖李兆洛。申耆。獨以慎伯所推爲當。先生卒於嘉慶十年。年六十。有三子。傳密能承其學。申耆藏先生各體書。爲勒石以傳之。